

# Kantik evit bennoz an had gwiniz hag an danvez bara kan



TON: *Ama pell diouz an trouz.*

1

O Jezuz, Salver mat,  
Roit bennoz d'hon had  
A deuy da veza dizale  
Bara d'hor c'horf ha d'hon ene.

2

Darn euz hor greunigou  
Daolimp en donarou :  
Evit diwan o deus ezom  
A c'hlae, a c'hliz-hag a heol tom.

3

Roit d'ezo, Jezuz,  
Glae, gliz hag heol founnus  
Ma savint buan d'ar vuhez,  
D'ober d'hor c'horf magadurez.

4


C'houi ren war ar bed holl;  
Ne 'z ay netra da goll  
Ma virit d'eomp hon drevajou  
Diouz amzer fall ha klenvejou.

5

Had, labour ha c'houezenn  
Gant ho pennoz cuspenn:  
Hag e welimp hor parkeier  
Deut glas gant an nevez-amzer.

6

Na dous e vo klevet  
Hor gwiniz alaouret



O sourral pa vo deut an hanv  
Dindan an ezen flour ha skanv!

7

N'eo ket dre gorf hebken  
Eo red bara d'an den,  
Dre m'ho peus savet, o Jezus,  
D'hon ene bara burzudus.

8

Evit kaout d'hor parrez  
Bara sakr an Elez  
Ni ginnig d'eo'h a galoun vat  
Peb a lodennig euz hon had.

9

Grit ganto d'hon ene  
Bara saourus an Nenv;  
Ni deuo d'e zigemeret  
Gant feiz ha karantez bepred.

10

O! bara dudius!  
Gant korf ha goad Jezus  
Digemeret er Zakramant,  
Hon ene jomo yac'h ha drant.

11

Elez hag arc'helez  
Kanit ganeomp bemdez:  
Bennoz, mil bennoz d'eun Doue  
A vag an dud korf kag ene!

Aotre da voula :  
21 a viz Here 1941.  
P. JONCOUR, vikel vras.